

Ab der erbe herre loykent des gutes sequitur.

- 3b *Loukent der erbe herre syme zcinsmanne daz he nichein erbe an syme gute enhave. die erbeman behelt mit zcwen fromen mannen die unse besessene borgere sint vorme rate den es wissintlich sie daz is sin recht erbe sie.*

Wie der rad gebite sal von erbelosunge daz stet hirnoch^d geschreiben.

- 3c *Swi under unser gemeinschaftt sich des werte daz he so getanen gutes zcu sym rechten gelde und zcu so getaner erbelosunge alz die borger hir genand han syn erbeluten nicht bekennen wolde ab daz gud vorkoufft wurde von mer erbeherren eder von den erbe luten adir ab is die erbe herre. adir die zcinsman gebe. adir erbete uff syne kinder adir uff syne nesten dem sal die rad gebete by * zcwen marken daz he dosse gesetcze an sim erbgute halde alz digke alz her daz wedir rette alzo manche zcwo marg vorwerket er kein den rad her sie man adir frouwe.*

Von erbe zcu kouffen ane kindere willen sequitur.

Komen man und wip zcu samene an der e unde gewinnen kind. sterbit der eldern ein. so sal der ander der da lebet sin erbe nicht vorkouffe noch vorsecze. die wile die kind zcu oren iaren nicht komen sin. he entedes dann met des kindes nesten willen und wissen. is en wer dann daz her wissintliche schult schuldig were daz her bewisen solde vor den formunden adir vor rate adir daz her syne eaftigen nod bewiste.

Von formunden zcu kiesen.

- 3d *Swelchir frowwen unser borgerin or wert abegegangin ist adir vortmer abeinge. die sal mit or kindere frunde und mit oren frunden zcwene formunden kisen uz der kinder nesten vater magen. di zcu formunden tagen. ouch sal die frouwe den formunden benennen und berechene uff orn eit alle or gut daz or wert gelasen hat. es si an erbe adir an varder habe. und sie onsal nicheine macht habe daz gut zcu untvernde ane der formunden wissen und willen. es on were danne daz die frouwe. sone hette die bobin achten iaren weren. adir tochter die formunden hetten die mochten selbis der frowwen formundin sin ab sie wolde. worde ouch die frouwe von den kinden adir von den formunden beklagit vor dem*

^d) Dazu mit blauer Tinte vor zugefügt.